

## 6. GUPKHATNA ADING UPNA

- a) Laisiangtho bulphuhte: Jn. 3:16; Rom. 10:9-13;  
Lk. 13:23-25; Rom. 3:21-23.


### b) Thupatna

Pasian Gam sung luttheih nading omzia thupi bel nihna pen gupkhatna upna hi. Gupna ngah nading leh ama nungzui khat bang a Topa Zeisu nungzuih kipat nading in i up pelmawh ding ahi hi. Eite mawhnei hi in, eite mawhna hang in Zeisu in a sisan bua in hong si hi cih i up ding ahi hi. I mawhnate kisik in Pasian kiang pan mawh maisakna i nget ding ahi hi. Tua khit ciangin i nuntaknate Zeisu tungah pia in, amah pen i Topa leh Honpa i bawl ding ahi hi.

### c) Gupkhatna Upna i cih banghiam?

- Hih pen gupkhatna ah hong tuhpih upna hi a, Muhna nam tuamtuan kihel hi.
- Na nuntakna Pasian tungah na ap na (Psa. 37:5).
  - Zeisu upna (Jn. 3:15).
  - Na lungtang pan thumangmi khat suahna (Rom. 6:17).
  - Lungtang tawh upna (Rom. 10:9-10).
  - Laisiangtho pen Pasian kammal hi cih upna (2Tim. 3:16-17).
  - Na muanna Pasian tung koih na (Heb. 2:13).
  - Na nuntakna sungah Zeisu sapna (Rev. 3:20).


### d) Leitawh Gentehna:



Mihing buaina - Kikhenna



Pasian' suksiangna-Singlamteh  
(God's Solution-The Cross)



Mihing dawnkikna - Khazih sanna  
(Man's Response - Receiving Christ)


e) Pianthakna i cih bang a cihnopna hiam?

'Tua ahihciangin mikhatpeuh Khazih sungah a om leh amah piانسak thak ahi hi, a lui pen beimang a, a thak a tungzo hi.' (1Cor. 5:17. ZIV)

"Pasian mahmah lemna Pasian in note hong siangthosak sinsen ta hen, Eite Topa Zeisu Khazih hongpai ciang a kawkhanna a om lo dingin na kha, na lungsim le na pumite uh a bupin hong kepsak taken." (2Thess. 5:23 ZIV)

Eite pen pumpi leh lungsim ciangbek i hihlohna Laisiangtho in hong telsak hi. Pumpi pen eite ci leh sa lamsangte hi. I lungsim pen i ngaihsutna i utna leh lungsim phut tawh kibawl hi.

"I lungsimphut in bangci bang a, i thuakna (feel). lakkhia in, i lungsim in i ngaihsut hong gen a, i utna in pen i deih hong gen hi." (Watchman Nee)



Mikhat a kha tawh a suah mateng in a lungsim tawh anuntakna pai ding hi. Amah pen a lungsim in a omziate ngah theih nading in zang a, ama thu thu in a deihna tun hi. A lungsimphut nate thupisim sak a a ki-uksakin hun zong hong zeuhzeuh hi. Ama lungsim

ngaihsutna tungah kinga in, aih keh a lunggulh lungsimphut bang, aih keh hih nihte kigawm in ama aituam khensatnate bawl hi (Colin Urquhart: Khazih Zeisu sungah)

Tua hi a, i pianthakna in i pumpi leh i lungsim (sunglamna) huam sunga om "nih" mite bang in a nungta i hi hi. I mihing kha pen i tupna leh a ngimna khempeuh si in, tua pen tuate gamtang thei lo leh i gamtatna te, i khensatnate leh i lunggulhnate tha pia in semkhia zolo hi (Eph. 2:1-2 en in)

Pianthakna cih pen mawhna hang a a si a suak ih mimal aituam sung lam a thukna mun a nuntakna ngahna cihna hi. Pasion kha tawh eite hong kihinsak ciangin "Thumgawm" mite bang a nuntak kipan thei hang-a, Pumpi, lungsim leh kha sungah nuntakna in bang ciruam taktak cih thei thei hihang (Gal. 5:16-25; Rom. 8:9-14; Jn. 3:3-8 en in.)

#### f) Upna pen Pasion kiangpan Piakkhong hi.

"Ahang in, hehpihna hangin upna tungtawnin hotkhiat na hi uh hi. Hih in nomau Pan ahi kei hi, tua in Pasion letsong ahi hi. Na sepnate uh hang hilo ahih ciangin kuamah a kisial thei kei ding hi." (Eph. 2:8-9).

I upna Pasion sungah a koih thei ding hihtheihna tawh eite suaklo hihang. Hih upna pen Pasion tungah a masa pen-a i kihei theih nading a i nuntakna ah na hong sem Khasiangtho kiangpan a letsong hi. Eite in Pasion thu ngai in i dawn kik teh i muannate Pasion sungah i koih theih nading leh Zeisu pen i Honpa leh Topa a i san theih nading hong hi thei sak upna letsong san theih nading in i nuntaknate hong kihong hi.

#### g) I Gupkhiatna a lungmuan huaina

Eite in i lungsim phawna (feeling). tungah kinga lo in, a taktak thute tungah kinga ding hihang.

- Pasion Kammal in bang hong gen hiam? (Jn. 5:24; Heb. 13:5; Jn. 6:37; Rom. 8:38-39; Titus 1:2; Jn. 10:28-29).
- I sung a Khasiangtho teci panna (Rom. 8:14-16; Jn. 3:24).

#### h) Mawhneipa Thungetna

Na mawhnate maisak ding ut in leh Pasion ta na suahtop a Zeisu nungzui na hih nop leh hi thungetna aih keh hi bang dan thungetna khat ngen in.

"Topa Pasion aw, mawhnei mi ka hihna kithei ing. Zeisu keima mawhna hang a a sihna um ing. Keima mawhna hang a kei tunga om dantatnate singlamteh tungah ama leh a mah in kisan hi. Ka mawhna kisik in ka mawhna pan hong kihei in, Pasion mawhmai sakna ka ngen hi. Ka nuntakna Zeisu tungah pia in, amah ka Topa leh Honpa in ka koih hi. Ama thukhamte zui-in ama lungdam nading in ka nungta ding hi. Tu in Pasion ta ka hihna ka thei-a, Zeisu sisan in a siansaksa bangin ka mawhnate a kimaisak khit na ka thei hi. Pasion ka phat hi. Amen!"

Hi thungetna na nget khit leh, i gupkhiatna lungmuanna Laisiangthote sim kik in la, Christian khat na suah khitna mi khat peuh tungah gen in. Nasepsate na kam mahmah tawh na pulak ding kisan hi (Rom. 9:9-10). Zeisu nungzui thak bang a khantoh ding midangte in hong huh ding kisan hi. Kuamah peuh amah bek tang om thei lo hi. Gupkhiatna pen a lungdamhuai thu ahihna phawk in. Na tawntung mun ding a khekkhin lian na hi hi (Acts 16:34; Acts 8:39).

**i) Dotna leh Kikup ding thute**

1. "Koici bang-a Christian suak nahia?" hong ci mikhat kiarngah bang na ci gen tam (A tel theih ding un kammal mawl (simple)te zangh in.)
2. Tu in amah Christian khat ahihna koici khamuan thei ding na hiam?
3. Zeisu pen na Topa leh Honpa -a na san hun lian in bang piang hiam?
4. Gupna ngah nading upna vai ah Laisiangtho pen Pasion kammal ahihna up ding banghang in thupi hiam?
5. Banghangin mi a tam zawte in Gupkhiat ahih dinguh a kisapna thuman mu lo uh hiam?
6. Pasion zia tawh khantohna leh mihing zia tawh khantohna a kilamdanna tehkakin.
7. Gupkhiatna pen lampi mong hiam aihkeh a kipatna hiam?

**j) Tomlakna leh Zatpahna**

1. Gupkhiat nahihna ding leh Zeisu nungzui khat hih nading in na mawhnate pulak in, tua pan kisikkik leh, mawh na na bawlsa khempeuh hang in Pasion in hong maisak nading Pasion kiangah ngen in. Tua khit teh na nuntakna Zeisu tungah ap in, Kipia in, na Honpa leh Topa ahi dingin ngen in.
2. Gupna i ngah ciangin i gupkhiat na kipsakna leh bitsakna in Khasiangtho i ngah a, i kha pen hong nungta hi (Eph. 1:13-14).
3. Khazih Zeisu sungah i om ciangin a kidim nuntakna kingah ta hi (Jn.10:10 AV)